

Fecha di Independencia di Colombia a ser recorda ayera

ORANJESTAD (IPA) **

Ayera Asosacion "Amigos de Colombia" na Aruba a recorda e fecha di Independencia di e pais Latino Americano aki cu ofrenda floral na estatua di Libertador Simon Bolivar y tambe cu fiesta na Villa Nostra.

Debi cu riba e dia di fecha di Independencia di Colombia, Aruba tabata di luto cu fallecimiento di Ministro Daniel Leo, a dicidi di lo no celebra e dia aki sino pospone esaki pa otro fecha.

Ayera mainta esaki a tuma lugar cu entrega di ofrendanan floral e.o. di Prome Ministro di Aruba na nomber di Gobierno di nos pais, sindicato FTA, Asosacion di Amigos de Colombia di Aruba, otro gremionan manera Camara di Comercio, parlamento etc.

Na e ceremonia di ofrenda floral a hiba palabra e presidente di Asosacion di "Amigos di Colombia" Sr. Ramon Todd Dandare. Dandare durante di su discurso a remarca cu e Independencia di e paisnan Hispano Americano tin nan origen den e revolucion Frances cu a ser celebra recientemente na ocasion di e bicentenario di Fran-

cia.

E historia di Independencia di Colombia ta inicia na aña 1781 tempo cu e prome revolucion a estalla contra e autoridadnan Colonial. Sr. Dandare durante su discurso a relata e historia di e lucha pa Independencia di Colombia en breve.

Bolivar no solamente tabata busca union di e paisnan, pero tambe integracion di su pueblonan. E integracion aki ta esun cu e pueblonan di Latino America mester sigui lucha pe y standarisa.

Sr. Dandare ta di opinion cu e integracion cu Bolivar ta referi na dje ta esun cu Aruba y Colombia mester busca y tur e paisnan di Caribe y America Bolivariana. "En memoria y respet na e ideal inmortal Arubiano, kende tabata un persona cu tabata conoce perfectamente e ideanan y e meta di Bolivar, Gilberto Fracois Croes; Asosacion di Amigos di Colombia ta urgi pa e union aki wordo cumpli."

E union aki mester wordo cumpli pa den futuro por marcha conhuntamente cu e demas paisnan di Latino America. Y alavez e



ORANJESTAD (IPA) Varios miembro di e asosacion di amigonan di Colombia tabata presente ayera mainta, pa ceremonianan na estatua di Simon Bolivar.

Asosacion ta urgi e gobierno Colombiano pa considera e reapertura di su representacion na Aruba. Y tambe pa gobierno di Aruba busca riba e caminda legitimo un relacion cu Colombia manera berdadero pueblonan ruman, manera cu semper nan tabata y lo sigui ta den futuro.